

Resolución de 17 de decembro de 2014 pola que se modifica a Resolución Reitoral de 20 de xuño de 2014 pola que se publica a convocatoria de matrícula para estudos oficiais de posgrao da Universidade de Vigo para o curso académico 2014/2015.


Tras a publicación da Resolución reitoral de 20 de xuño de 2014, de convocatoria de matrícula para estudos oficiais de posgrao para o curso académico 2014/2015, detectáronse situacións novedosas respecto á posible aplicación da normativa sobre convocatorias adiantadas en estudos de máster, xa que habería másteres que, rematando oficialmente os seus estudos no primeiro cuadrimestre, estarían interesados en que o seu alumnado poidese adiantar a súa segunda posibilidade de avaliación do Traballo Fin de Máster.

Así mesmo, do calendario para programas de doutoramento, aprobado pola Comisión Permanente da Escola Internacional de Doutoramento de 22 de maio de 2014, non se publicou por erro a parte correspondente á convocatoria do segundo cuadrimestre, aínda que, no seu momento, déuselle publicidade.

Por todo o anterior,

ESTA REITORÍA RESOLVE:

1. Modificar na referida convocatoria o apartado I.13, sobre convocatorias adiantadas, que queda redactado da seguinte maneira (en negraña o texto engadido):



I.13 Convocatorias adiantadas

Nos últimos cursos académicos véñense producindo situacións de alumnas e alumnos de másteres universitarios aos que lles quedan pendentes para rematar os seus estudos unha ou varias asignaturas do 2º cuadrimestre, con frecuencia o Traballo Fin de Máster entre elas. Pola propia estrutura dos novos estudos estes alumnos non poden volver a examinarse destas asignaturas pendentes ata xuño do curso seguinte, segundo o calendario establecido.

Tamén se produce unha situación similar co alumnado de másteres que rematan o seu plan de estudos no primeiro cuadrimestre, como a maioría dos másteres de 90 ECTS, e non poden examinarse do Traballo Fin de Máster (TFM), cando non foi superado en primeira convocatoria ata xullo.

I.13.1 Introducción.

Establécese un procedemento para a solicitude do adiamento excepcional de convocatorias de exame de asignaturas do 2º cuadrimestre para alumnas e alumnos que poderían rematar os estudos conducentes a un título de máster universitario, para o curso 2014/2015.

O alumnado de másteres que rematan o seu plan de estudos no primeiro cuadrimestre tamén poderán solicitar o adiamento da convocatoria de xullo exclusivamente para examinarse do TFM.

En adiante, as referencia ao “alumnado de másteres de 90 ECTS” entenderáse feitas ao alumnado de másteres que rematan o seu plan de estudos no primeiro cuadrimestre.

I.13.2 Requisitos.

Poderán solicitar o adiamento de convocatoria de exame de asignaturas do 2º cuadrimestre aquel alumnado que estea nalgunha das seguintes situacións:

- a) Que teña pendentes ata un máximo de 18 ECTS e para un máximo de 3 asignaturas, asignadas no plan de estudos ao 2º cuadrimestre. No caso de que tamén lle quede algunha/s asignatura/s pendente/s do 1º cuadrimestre o máximo elevarase a 24 ECTS e catro asignaturas, computando as do 1º cuadrimestre. A superación do conxunto das asignaturas para as que se solicita adiamento de exame implicará o remate da titulación.

- b) Que teña pendente o Traballo Fin de Máster (TFM), independentemente do número de créditos de que conste, sempre que sexa a única asignatura pendente para acadar a titulación. **O alumnado de másteres de 90 ECTS só poderá solicitar a convocatoria adiantada para o TFM.**

I.13.3 Procedemento

I.13.3.1 Prazo de solicitudes

O alumnado que cumpra os requisitos poderá entregar a solicitude de adianto de convocatorias, segundo o modelo do Anexo V, **ata o 14 de novembro de 2014**, na secretaría do centro de adscrición do máster.

No caso do alumnado de másteres de 90 ECTS o prazo será ata o 4 de marzo de 2015.

I.13.3.2 Traslado á Comisión Académica do máster

A secretaría do centro de adscrición do máster comprobará o cumprimento dos requisitos dos solicitantes, e trasladará á Comisión Académica do máster, **ata o 21 de novembro de 2014**, as solicitudes que cumpran os requisitos.

Para o caso do alumnado de másteres de 90 ECTS este prazo establécese ata o 10 de marzo de 2015.

I.13.3.3 Valoración das solicitudes

A Comisión Académica do máster valorará a posibilidade de adiantar as convocatorias do 2º cuatrimestre nas asignaturas nas que existan solicitudes, **ou a convocatoria de xullo dos TFM para o alumnado de másteres de 90 ECTS.**

I.13.3.4 Publicación de listados provisionais

A Comisión Académica do máster publicará un listado provisional de asignaturas autorizadas a adiantar a convocatoria do 2º cuatrimestre, e o alumnado autorizado a presentarse a cada unha delas, así como as asignaturas e alumnado non autorizado, con especificación dos motivos da denegación. A data límite para publicar estes listados será **ata o 28 de novembro de 2014.**

Para o caso do alumnado de másteres de 90 ECTS este prazo establécese ata o 16 de marzo de 2015.

I.13.3.5 Prazo de reclamacións

Ata o 9 de decembro o alumnado afectado poderá presentar reclamación contra o listado provisional.

Este prazo será ata o 19 de marzo de 2015 para o alumnado de másteres de 90 ECTS.

I.13.3.6 Publicación de listados definitivos

A Comisión Académica do máster publicará un listado definitivo de asignaturas autorizadas a adiantar a convocatoria do 2º cuatrimestre, determinando a data prevista para o exame, e o alumnado autorizado a presentarse a cada unha delas, así como as asignaturas e alumnado non autorizado, con especificación dos motivos de denegación. A data límite para publicar estes listados será **ata o 19 de decembro de 2014.** Con ese mesmo prazo achegarase copia electrónica dos mesmos á Sección de Posgrao e Formación Continua (posgrao2@uvigo.es) para xestionar a implementación no programa informático.

Para o alumnado de másteres de 90 ECTS este prazo será ata o 23 de marzo de 2015, nas mesmas condicións que no parágrafo anterior, non podendo realizarse a avaliación nestes casos antes desta data.

I.13.4 Prazo de entrega de actas

O prazo de entrega de actas coincidirá co establecido para o primeiro período no calendario escolar para o curso 2014/2015 (6 de febreiro de 2015).

No caso do alumnado de másteres de 90 ECTS o prazo de entrega de actas coincidirá co establecido para o segundo período no calendario escolar para o curso 2014/2015 (12 de xuño de 2015).

I.13.5 Cómputo de convocatorias

O alumnado que non supere unha ou varias das asignaturas ás que se presente a exame na súa convocatoria adiantada poderá presentarse só aos exames previstos para xullo no calendario escolar para o curso 2014/2015 aprobado no Consello de Goberno do 6 de xuño de 2014.

No caso do alumnado de másteres de 90 ECTS no caso de non superar o TFM xa non poderán presentarse a exame no curso 2014/2015.

2. Incluir o seguinte cadro de matrícula en programas de doutoramento para o segundo cuadrimestre no Anexo VIII: Calendario para programas de doutoramento.

PRAZO	PREINSCRIPCIÓN	LISTADO PROVISIONAL	RECLAMACIÓNS	LISTADO DEFINITIVO	CONFIRMACIÓN DE MATRÍCULA
2º cuadrimestre (*)	06-10/02/2015	13/02/2015	14-17/02/2015	19/02/2015	05-10/03/2015

(*) Só no caso de que a Comisión Académica do Programa de Doutoramento oferte a modalidade de tempo parcial, teña prazas vacantes e solicite autorización para este prazo á Comisión Permanente da EIDO, **antes do 30 de xaneiro de 2015.**

Vigo, 17 de decembro de 2014

O REITOR



Salustiano Mato de la Iglesia

VICERREITORA DE ORGANIZACIÓN ACADÉMICA E PROFESORADO
 VICERREITORA DE ESTUDANTES
 VICERREITOR DE EXTENSIÓN UNIVERSITARIA E RELACIÓNS INTERNACIONAIS
 SECRETARIA XERAL
 DIRECTOR DA ESCOLA INTERNACIONAL DE DOUTORAMENTO (EIDO)
 DECANAS E DECANOS E DIRECTORAS E DIRECTORES DE TODOS OS CENTROS
 XEFA DO SERVIZO DE ALUMNADO
 XEFE DO SERVIZO DE EXTENSIÓN UNIVERSITARIA
 XEFE DO SERVIZO DE CONTROL INTERNO
 XEFE DOS SERVIZOS INFORMÁTICOS DE XESTIÓN
 DIRECTOR DE ÁREA DE POSGRAO
 ADMINISTRADORAS E ADMINISTRADORES DE CENTROS
 XEFA DA SECCIÓN DE ADMISIÓN E XESTIÓN DE ALUMNOS
 XEFA DA SECCIÓN DE TÍTULOS E PLANS DE ESTUDO
 XEFA DA SECCIÓN DE BOLSAS
 XEFE DA SECCIÓN DE POSGRAO E FORMACIÓN CONTINUA
 XEFAS E XEFES DE ADMINISTRACIÓN OU ÁREA ACADÉMICA DE TODOS OS CENTROS
 RESPONSABLES DOS REXISTROS
 XEFAS E XEFES DAS ÁREAS DE SERVIZOS Á COMUNIDADE
 XEFA DO NEGOCIADO DE INFORMACIÓN XERAL

